

*Lienis tunica  
qui obseruan-  
da, simul cum  
suis ad uentri-  
culum nexu et  
substantia.*

*Ventriculi ca-  
pacitatis et tu-  
nicarum exa-  
men.*

*Seminales ar-  
teriae qui obser-  
uanda.*

*Cavae uenae et  
arteriae mag-  
nae series, in  
peritonei am-  
plitudine su-  
as, qui obser-  
uanda.*

*Renis tunica  
cum totius q. a  
deo cordis na-  
tura examen.*

ferentio, omento & liene ex uentre exempta mensae imponentur. ac statim cum omenti portio-  
ne extracto liene, omenti pars lienis obnata unguibus ab illo est discerpenda, ut expendas qui  
lienis tunica ab omento initium ducat. Quod uero attenti summa diligentia inspicendum  
sit, num meatus aliquis a liene in uentriculi orificium pertingat, quae ualorum hic habeatur  
series, etiam si taceam, neminem ambigere reor. Caeterum ut lienis substantia obserues, aliquot  
sectiones ipsi induces, & illo inter duos aseres compresso, ipsius substantia ab illi insertis uasis  
aliquot locis separabis, haec ratione uasa aliquot sola & lienis carne enudata spectabis. Ven-  
triculum uero lauandum, deinde uesciae instar inflandum dabis, ut ipsius capacitatem, quae sa-  
ne est quam maxima, intuearis, & tunicas ipsius, ut in intestinis faciendum praecipimus, exa-  
mines, postmodum in uertas, ac bilis meatus insertionem in intestinum quod adhuc uentricu-  
lo appendet, uideas. Porro ubi haec omnia exemeris, si quis sanguis alibi effluerit, & quae in  
uentre adhuc reliqua sunt oblitterauerit, spongia aqua copiosiori, non autem aceto imbuta, se-  
mel atque iterum eluendus est. nam si lino abstergeris, plus tingendo oberis. Solent enim ple-  
runque exigui uasorum ductus, multa adipe & membranulis oblit, difficulter admodum in ho-  
mine reperiri, idque magis si sanguine oblitterentur. Eluto itaque sanguine, ac obiter ipsae quae ad-  
huc in uentre reliqua sunt ab ipso sectione inspectis, & icore nulla ex parte uulnerato, sed uenae  
cauae gratia in corpore asseruato, primum membranulas, quae uelut uenae cauae secundam consti-  
tuunt tunica, ad sacrum usque os auellere conaberis, diligenter praecauens ne dextra femina-  
lem arteriam, quae cauae corpus transcendit, simul cum membranulis adimas. Est enim haec tenuis  
& membranarum modo albicans, multa pinguedine in homine obducta. Quapropter comode  
admodum feceris, si priusquam aliquid eorum quae in uentre adhuc reliqua sunt aggrediaris,  
arterias seminales inquiras, ac deinde ne laedatur in reliquarum partium administratione caueas.  
Ut uero id praestes accuratius, animum adhibebis dextrae feminali uenae, quae ex caua oritur:  
deinde & arteriae exortui, quae inferiorem mesenterij sedem adit. Inter haec duo organa partim  
ascendens, partim descendens, nitens obtuso cultello cauam uenam ex sinistro ipsius latere ab  
arteria magna dirimere, membranosis fibris, quorum interuentu haec uasa committuntur, disse-  
ctis. In hoc opere duarum feminalium arteriarum radices in conspectum uenient, eaeque quod illae  
porrigantur commonstrabunt, si modo ab exortu eas arterias ex membranulis quibus inuol-  
uuntur ad seminales uenas usque quibus tandem committuntur sedulo, nulla in trahendo ut  
facta liberaueris. Haec ubi praestiteris, uenae cauae & magna arteria ut commodius in conspe-  
ctum ueniant, membranulis fuerint detectae, ramos quos in ipso per uentrem ductu emittunt  
examinabis, ac primum uenas renum pinguibus membranulis implexas, & deinde magnae arte-  
riae cauae propagines renibus serofum sanguinem deferentes. Horum origine citra omnem  
sectionis operam inspecta, uenae cauae propagine dextro reni propriam suis membranulis dete-  
ges, & deinde renis quoque pinguem membranam unguibus lacerans, quo pacto illi inuolui-  
tur diligenter examinabis. Denudato rene urinarius meatus quae ex rene prodit, cultello est in-  
quirendus: deinde & arteriae magnae propago dextrum renem accedens, quod simul integer ren  
uena & arteria & urinarij meatus principium conspiciantur. Licebit modo aut totam renis na-  
turam examinare, aut quousque alia quaedam diffecueris, renem relinquere. Vt uero id  
modo postea ue feceris, uenae cauae, arteriaeque magnae propagines uinculis iuxta renis cauum  
intercipi debent, & deinde nouacula acutiori sectio recta secundum renis longitudinem in ipsius  
gibbo uersus cauum est ducenda, renque ita bipartitus aperiendus, sanguisque, si quis sit, spongia  
madente eluendus uenit. Ita enim ilico renis sinuum natura, deinde & urinarij meatus princi-  
pium intuebitur, nisi cadauer nactus fueris obesius. solet enim pinguedo in secundo huma-  
ni renis sinu collecta, impedimento esse, cur minus sinuum natura penitus secanti occurrat.  
Quapropter operae precium fuerit, canis renem diligenter prius examinare, & ex illo dein hu-  
manum cognoscere. Diuiso igitur secundum gibbum seu exterius latus rene, primum digito  
sinus secundum quem urina colatur latera inquires, & foraminis quod in medio ipsius, seu in  
primi sinus membranae renum corporis externo latere apparet, stylum immittes, qui in urina-  
rium meatum uersus uesciae facile protrudetur. Deinde ubi membranae huius corporis primi u-  
renis sinus anteriorum ramorum cum posterioribus ramis coitum, qui non procul ab externo  
renis perficitur latere, obseruaueris, ut illorum ramorum ductus, & primi sinus reliquum cor-  
pus & secundus sinus formam naturamque adinuenias, ea sectione diuisum & ad apertum renem  
uicissim claudes & redudes, quo mutius nuper dictorum ramorum coitus manifestus appa-  
reat: dein stylum secundo sinui indes, & ubi ipsius formam expenderis, ab anterioribus primi  
sinus ramis eam renis praescindes substantiam, quae posteriori illarum sedi obnascitur: a poste-  
rioribus autem ramis eam adimes, quae illarum anteriori sedi continuatur, ut modo integer ap-  
pareat

pareat primus sinus, cui modo stylos, quo illum adhuc exactius cognoscas, indere possis, &  
admirari quam ridicula ab Anatomis professoribus de renum officio fuerint haecenus prodi-  
ta. Caeterum tunica praeter pinguem membranam renem inuestiens, facile tibi occurret, si se-  
ctionis in renis gibbo ductae labris animum adhibueris. solet enim ea tunica ibidem tunc non  
nihil a renis substantia abscedere, & dein prompte ad renis usque cauum unguibus diuellis, ac  
qualiter haec est renis uenae & arteriae membranulis pronascatur, conspici. Haec ubi in dextro rene  
intuitus fueris, sinistram quoque sua pingui membrana liberaabis, & uenae cauae & arteriae ra-  
mum uersus ipsius cauum excurrentem inuestigabis, animum priusquam aliquid diuellas, si-  
nistrae feminali uenae adhibens, quam ex medio uenae ductu enasci citra sectionem utcumque  
conspicies. Ut uero rite intuearis, num a renis sinistri quoque arteria, feminale uas originem du-  
cat, obtuso admodum cultello (nisi forte secandi peritior fueris) membranulas a renis uena de-  
trahes, & accurate aliquot uenae feminalis principium quoque a membranulis liberaabis:  
dein uenam renis ab arteria nonnihil deorsum reflectes, numque ex ipsius ductu ramus qui sini-  
stra feminali uenae exporrigitur, principium obtineat, inquires. Vbi uero hunc non inuenieris,  
sinistro rene pariratione atque dextro (si modo illum secuisse non suffecerit) aggresso, femina-  
lium ualorum constructionem examinato. Arteriarum & sinistram uenae originem iam prius  
indagasti, ac dextrae etiam uenae principium citra sectionem a caua oriri conspicietur. Vbi igitur  
ortum didiceris, & uenas ad arterias usque sensim ex membranulis ipsas liberaans deduxeris,  
si masculi obtigerit corpus, penis cutem & scrotum a testibus adimes. Primum itaque a pubis  
osse recta sectione per penem in cute ducens, & deinde eius sectionis labris hamulo aut ungui-  
bus eleuatis, cutem cum carnosa membrana a pene auferes, adamussim considerans in cutis  
extremo ipsius cum carnosa membrana coalitum, & carnosae membranae sub glande a penis  
corporibus abscissum. ad haec, perpendes ipsius ad glandis radicem ligamentum, deinde &  
uenas cutem eam adcentes, postremo nullam pinguedinem adipem ue inter cutem & carnosa  
membranam, ut neque in palpebris hic reperiri, ac proinde leui occasione, ut illas hyatide aut  
inflatione penis cutem infestari. Pene detecto, & deductis cruribus a pubis osse inter inguina  
& sinistram testem sectio ad podicem usque ducenda est, & deinde cum penis cute scrotum a  
testibus & interfeminio liberaudum, sectionibus semper uersus dextrum latus deductis. Quum  
uero testes cute carnosaeque membrana nudas, ne testes suo loco moueas in uertas ue, accurate obser-  
uandum est. Quum primum enim cute nudati sunt, ipsorum situm, & cuiusnam potissimum parti  
uasa feminalia illis applantentur, indagare oportet, ut Naturae discas prouidentiam, quae testes  
ita collocauit, ut ipsius uasa sint tutissima, illisque ipsi testes uelut propugnacula praeponantur.  
Iam dextrum testem cum ipsius uasis & tunicis a sinistro digitis aut cultello dirimes, & iunctis  
cadaueris cruribus dextrum testem femori impones, ac mox cultello uenam & arteriam semi-  
nales dextri lateris, uicinis membranulis ad peritonaeum usque quae illae procidunt, deteges, hic  
primum in interiori sede peritonaei, postmodum in exteriori qualiter transeant solis manibus  
considerans. Dein stylum foramini quae egrediuntur uia ad testis usque infimam sedem protru-  
des, & peritonaeum usque ad foramen qua uasa transmittit diuides. Insuper secundum styli lon-  
gitudinem cultello foramini quoque indito, ad humilimam usque testis sedem primam ipsius  
peculiarem tunicam secabis, & reposito cultello, distentaque tunica huius a peritonaeo ortum,  
& ualidum ad humilimam testis partem adnexum, praeterea & testis musculum examinabi s  
huius namque natura, ductus & forma in conspectum ueniunt una cum gracilibus ramulis a  
uena & arteria in hanc tunicam numerosa serie excurrentibus. Haec tunica relicta, testem & ua-  
sa nunc rursus hinc inde diligentius subleuans, reuoluensque uenam, arteriamque ab ipsis conter-  
mino semen deferente uase ad testis usque elatiora discernes. Ut uero uenae arteriaeque insertio-  
nem adamussim discas, uas semen deferens a proxima testis corpori tunica est liberandum,  
non quidem uniuersum, sed ad eam usque partem quae uenae arteriaeque finibus est proxima. Li-  
berabitur uero uas ipsum facile, si transuerfas sectiones inter testem & uas illud ad suum usque  
principium acutiori nouacula duxeris. Hac si quidem administratione uasis illius anfractus, &  
ad testis connexum, ortumque manifeste animaduertes. Verum nulla ipsius cauitas, neque quo pacto  
illud a teste semen assumat, in conspectu erit. Hoc enim nihil, nisi porosum quid quae testis adna-  
scitur referet, nullo meatu manifesto ex teste in ipsum pertinere. Semen deferenti uale ab intimo  
testis inuolucro ad eum modum liberato, uenae ac arteriae anfractuum ramuli proximae testis  
corpori tunicae oblatis melius conspiciuntur. Ut uero prorsus in conspectum ueniat, sanguinem  
ex anfractibus ad testem comprimis, & deinde anfractibus uinculo ne sanguis refluat interce-  
pis, testem secundum ipsius longitudinem diuidere conuenit. deinde qui ex tunica testis proxi-  
ma, & ex anfractu sine rami ad testis substantiam excurrant, qualiterque testis ea tunica com-  
mittatur.

*Vasorum si-  
nistri testem  
peritium or-  
tus examen.*

*T. ostii et pe-  
nis a suis inuo-  
lucris dete-  
ctio.*

*T. ostium se-  
nis examen.*

*Exterioris te-  
stis tunica a-  
perio, uasor-  
umque semina-  
lium detectio.*

*Vasorum semi-  
nalia circa te-  
stem ac ipsius  
ad testis exa-  
men.*